

**SUBVENCIJA KAMATNE  
STOPE NA STAMBENE KREDITE ZA MLADE**

Značajan napredak ostvaren je u periodu od 2024. do 2028. godine, kada je grad Gradačac, na inicijativu vijećnika stranke NAPRIJED! BiH, usvojio zakon o pomoći mladima u vidu kreditiranja kamate na stambeni kredit.



# Pogled Naprijed

Gradačac – 29. februar 2028. – 0,00KM



## Riješen problem odlaganja otpada



Deponija komunalnog otpada „Višnjik“ nije zadovoljila uslove sanitarnih deponija i nije bila pravilno pripremljena za svoju namjenu, jer nije imala sistem zaštite voda i zemljišta, a sanacioni poduhvati za regulisanje procjednih voda i gasova nisu bili izvedeni problem koji je zahtijevao brzo i efikasno rješenje.


### Oživljavanje turizma – kupalište na jezerima

Jezerca Hazna i Vidara su vještačka jezera u Gradačcu, pri čemu je Vidara površine oko 7,00 km<sup>2</sup>, a Hazna oko 1,00 km<sup>2</sup>. Zahvaljujući angažmanu vijećnika stranke NAPRIJED!, riješen je problem sa sistemom pročišćavanja otpadnih voda u ruralnim područjima općine Gradačac.



**Obraćanje  
kandidatkinje  
Inzira Ćorić**

**OBRAĆANJE NOSIOCA LISTE**



## STOPE NA STAMBENE KREDITE ZA MLADE

Značajan napredak ostvaren je u periodu od 2024. do 2028. godine, kada je grad Gradačac, na inicijativu vijećnika stranke NAPRIJED! BiH, usvojio zakon o pomoći mladima u vidu kreditiranja kamate na stambeni kredit. Ovaj zakon predstavlja pionirski korak jer je po prvi put obezbijedena finansijska podrška za mlade kroz subvencionisanje kamatnih stopa na stambene kredite. Ova mjera je značajno uticala na život mladih ljudi u našem gradu. Dokaz važnosti ove inicijative ogleda se u velikom broju mladih koji su se prijavili na konkurs i ostvarili pravo na kreditiranje kamatne stope. Sredstva namijenjena za ovu pomoć uplaćena su direktno na račune banaka u korist korisnika kredita, što je omogućilo brže i lakše sticanje stambenih



FOTO: SINIŠA PAŠALIĆ, RINGIER

jedinica. Ovaj potez je naišao na široko odobravanje javnosti i značajno povećao motivaciju mladih da ostanu u svojoj sredini i doprinesu njenom razvoju. Jedan od korisnika pomoći istakao je da su zastupnici stranke NAPRIJED! ispravili dugogodišnju nepravdu prema mladima, uključivši ih u budžet Grada Gradačca, čime je vraćena nada i povjerenje u njihove

političke predstavnike. Mladi očekuju nastavak sličnih inicijativa i veću inkluziju, što je i prioritet stranke NAPRIJED! S obzirom na to da je ovaj potez imao značajan uticaj na društvo, vrijedni članovi stranke NAPRIJED! Gradačac nastavljaju raditi na unapređenju kvaliteta života u cijelom gradu, povećanju socijalne brige i pružanju podrške svim građanima, s posebnim fokusom na buduće

buduće generacije. Ovaj uspjeh je dokaz povjerenja koje su nam ukazali naši sugrađani, i mi ćemo nastaviti raditi za dobrobit cijele zajednice.

### Priče sa kojima se ponosimo

## Centar za praćenje potreba tržišta, upisna politika u srednjim školama

Prikupljanje, analiza i predikcija podataka o trenutnim i budućim potrebama tržišta rada ključni su za uspješno zapošljavanje mladih. U saradnji s Ministarstvom obrazovanja, Pedagoškim zavodom i srednjim školama u



FOTO: JU MJEŠOVITA SREDNJA ŠKOLA "HASAN KIKIĆ", FB

PGradačcu, na temelju ovih podataka pružaju se preporuke za upisnu politiku. Partnerstva s poslodavcima osiguravaju da obrazovni programi budu relevantni za industriju, dok kontinuirano praćenje i prilagođavanje upisne politike promjenama na tržištu rada povećavaju konkurentnost učenika. Integracija praktične obuke unutar obrazovnih programa omogućava

učenicima bolje šanse za zapošljavanje u struci. Promocija traženih zanimanja roditeljima i učenicima te stipendiranje deficitarnih zanimanja uz podršku privrednih subjekata dodatno osigurava zaposlenje nakon školovanja. Ovim pristupom smanjen je odliv kvalificirane radne snage, a mladima su pružene kvalitetne obrazovne i karijerne prilike

koje su primjenjive u njihovim strukama. Time se povećava motivacija da ostanu i razvijaju svoje potencijale unutar zajednice. Upisna politika sprovedena proteklih godina podigla je kvalitet obrazovanja i zapošljavanja, čime su zadovoljene potrebe kako privrednih subjekata, tako i svršenika srednjih škola. Potrebno je kontinuirano provoditi istraživanja o privrednim kretanjima na području grada i regije kako bi se pravovremeno uočili trendovi i potrebe tržišta, što će omogućiti daljnju prilagodbu obrazovnih programa i razvoj strategija koje odgovaraju potrebama zajednice.

# Riješen problem odlaganja otpada



Deponija komunalnog otpada „Višnjik“ nije zadovoljila uslove sanitarnih deponija i nije bila pravilno pripremljena za svoju namjenu, jer nije imala sistem zaštite voda i zemljišta, a sanacioni poduhvati za regulisanje procjednih voda i gasova nisu bili izvedeni. Zrak u Gradačcu bio je dodatno zagađen deponijskim gasom zbog blizine deponije, koja je bila smještena samo 200 metara od naseljenog područja i 3

kilometra od centra grada, što je predstavljalo značajan problem koji je zahtijevao brzo i efikasno rješenje. Prema procjeni iz 2017. godine, otpad se odlagao na površini od oko 26.000 m<sup>2</sup>, s oko 85.000 m<sup>3</sup> otpada, gdje su slojevi dostizali visinu od 3.0 do 5.0 metara. JP „Komunalac“ DD Gradačac je bio zadužen za usluge odvoza smeća. Aktivnosti koje su provedene kako bi se riješili ovi problemi uključivale su analizu

trenutnog stanja deponije, količine i vrste otpada te kapaciteta za reciklažu. Regulisane su procjedne vode postavljanjem impermeabilne podloge i sistema za sakupljanje i odvod. Infrastruktura za prikupljanje otpada je unaprijeđena postavljanjem kontejnera za različite vrste

otpada u svim domaćinstvima i javnim ustanovama. Investirano je u mašine za preradu plastike, uključujući sortiranje, pranje, usitnjavanje i peletiranje. Promovisani su proizvođači i identificirani potencijalni kupci plastičnog peleta. Također, provedena je edukacija i obuka te podizanje svijesti o važnosti pravilnog odlaganja otpada kako bi se zaštitile vode i zemljište, uz suradnju sa školama, privatnim preduzećima i nevladinim organizacijama.

## Otvoren Dom za starija lica i Centar za solidarnu ekonomiju

U saradnji sa JU Centar za socijalni rad Gradačac, otvoren je Dom za starija lica koji pruža odgovarajuću njegu i podršku fizički i zdravstveno nesposobnim osobama treće životne dobi, prilagođavajući se njihovim specifičnim potrebama.



Foto: gdjeizaci.ba

Postigli smo značajne rezultate kroz proširenje video nadzora u ključnim područjima, podršku lokalnim policijskim stanicama i povećanje broja redara u Civilnoj zaštiti koji pomažu policiji. Postigli smo značajne rezultate kroz proširenje video nadzora u ključnim područjima, podršku lokalnim policijskim stanicama i povećanje broja redara u Civilnoj zaštiti koji pomažu policiji. ključnim područjima, podršku lokalnim policijskim stanicama i povećanje broja redara u Civilnoj zaštiti koji pomažu policiji. ključnim područjima, podršku lokalnim policijskim stanicama i povećanje br.

## Priče sa kojima se ponosimo

# Oživljavanje turizma – kupalište na jezerima



Foto: jelenadogshowa.com

Jezera Hazna i Vidara su vještačka jezera u Gradačcu, pri čemu je Vidara površine oko 7,00 km<sup>2</sup>, a Hazna oko 1,00 km<sup>2</sup>. Zahvaljujući angažmanu vijećnika stranke NAPRIJED!, riješen je problem sa sistemom pročišćavanja otpadnih voda u ruralnim područjima općine Gradačac. Implementiran je sistem za prikupljanje i pročišćavanje sanitarno-fekalnih voda, čime je riješen problem javne kanalizacije. Također, rekonstruisan je i dograđen postojeći cjevovod od jezera Vidara, što je poboljšalo kvalitet pročišćene otpadne vode, suspendirane materije i biološke potrošnje kisika, te proširila kanalizaciona

mreža. Problem sa procjednim vodama deponije „Višnjik“, koje su zagađivale jezera, također je riješen uvođenjem tehničko-tehnoloških mjera na deponiji. Plaže su uredili, a kupalište na jezerima ponovo omogućeno za građane. Turistička ponuda jezera Hazna i Vidara je unaprijeđena te sada nudi odlične mogućnosti za ribolov i druge sportske aktivnosti na vodi. Ova dva jezera su od krucijalne važnosti za naš grad, a naš rad je obnovio njihov potencijal za razvoj turizma temeljen na kulturno-historijskom naslijeđu.

# Obraćanje nosioca liste Amar Grbić Bahić

Moje ime je dr. Amar Grbić Bahić. U projekat stranke NAPRIJED BIH! uključujem se zajedno sa par entuzijasta, te sam jedan od osnivača stranke NAPRIJED BIH! na lokalnom nivou. Moj prvi angažman u politici zajedno sa članovima stranke, vizionarima, uspješnim pojedincima našeg društva jeste da služimo našoj sredini, vratimo ono što pripada svima nama te povećamo svijest u društvu.

Angažman će biti usmjeren na sve pore društva, da se podjednako osjećaju uvaženi svi naši stanovnici te da se niko ne osjeća zapostavljen i obespravljen. Lokalna zajednica je sačinjena od mjesnih zajednica, a svaka je po sebi specifična i ima sebi svojstvene probleme koje treba detektovati te iznaći rješenje za njih.

Naravno, probleme treba poredati po prioritetu i, shodno tome, postupati. Naime, jedan od gorućih problema je narušen kvalitet života na poručuju cijelog grada; deponija Višnjik na izlazu iz Gradačca prema Modriči, područje mjesne zajednice Vida II, vodosnabdijevanje tokom ljetnih mjeseci, gdje neke mjesne zajednice imaju dostupnu vodu samo određeni vremenski



period. Također, cestovna infrastruktura na ključnim putnim pravicima je upitne sigurnosti, stoga je neophodna analiza postojećeg stanja i žurna rekonstrukcija.

Socijalna jednakost je na vrhu prioritet – jednaka prava za sve. Ukazati i zaustaviti svaki oblik socijalne obespravljenosti, a priliku pružiti sposobnom i kvalifikovanom kadru. Ne smijemo zaboraviti na građane treće životne dobi, na koje takođe trebamo obratiti pažnju, podignuti kvalitet brige i usluge kroz javne ustanove i organizovati događaje koji će biti posvećeni njima.

Takođe, trebamo oživjeti turizam u našem gradu, zaustaviti devastaciju kulturnih spomenika, jezera, banje, dati impuls u razvoju ovih dobara i povezati ih s poljoprivredom kojom ovaj krajolik obiluje, a kroz sve to njegovati selo i investirati značajna sredstva u njega.

## Obraćanje kandidatkinje Inzira Ćorić

Poštovani sugrađani,

Moje ime je Inzira Ćorić. Privatni sam poduzetnik, medicinski tehničar i kozmetičar, a sada i kandidat za gradsko vijeće grada Gradačca. Kao gradski vijećnik želim da se zalažem za:

- Edukaciju i obuku: Pružanje obrazovanja i profesionalne obuke mladima koji će ih pripremiti za tržište rada i omogućiti im da razviju vlastite poduzetničke projekte u BiH.

- Podršku malim poduzećima: Razvijanje politika koje će podržati mala i srednja poduzeća, olakšati pristup financiranju i smanjiti birokratske prepreke za poduzetnike.

- Osnajivanje žena: Organiziranje programa i inicijativa koje će pomoći ženama da razviju svoje vještine, samopouzdanje i ekonomske mogućnosti te pružiti podršku žrtvama nasilja.

- Poticanje društvenih promjena: Podizanje svijesti o važnosti borbe protiv nasilja u porodici te jačanje zakonskih okvira za zaštitu žrtava.

Pored toga, jedan od glavnih ciljeva stranke Naprijed! jeste osnivanje Muzeja velikana BiH u Gradačcu, koji će čuvati našu kulturnu baštinu i služiti kao obrazovni centar kroz izložbe o velikim ličnostima iz BiH, čime želimo ojačati kulturni identitet i omogućiti građanima bolje razumijevanje naše historije. Rješavanje problema s deponijom „Višnjik“ također je prioritet. Naš plan bazira se na uvođenju održivih rješenja za upravljanje otpadom, uključujući modernizaciju reciklaže i smanjenje ekološkog uticaja deponije. Osnivanje Bolnice u Gradačcu je također jedan od ključnih ciljeva. Savremeni medicinski centar će pružiti kvalitetnu zdravstvenu zaštitu, smanjiti potrebu za putovanjima i poboljšati zdravlje građana. Fokusirat ću se na energetske održive sisteme i podizanje ekološke svijesti. Planiramo uvođenje energetske efikasne tehnologije i promociju obnovljivih izvora energije, kao i organizaciju kampanja za očuvanje okoliša.

Također, zajedničkim snagama želimo osigurati transparentnost o infrastrukturnim projektima kao što su obnova cesta i izgradnja novih objekata, kako bismo izgradili povjerenje između vlasti i zajednice.

Hvala vam!

# Provjereni ljudi za novo Gradsko vijeće!

**GRADAČAC** Donosimo listu kandidata za Gradsko vijeće grada Gradačca



**4** **Ajla Huskić**

Ajla Huskić je kandidatkinja za Gradsko vijeće Grada Gradačca. Rođena je 2001. godine u Tuzli. Nakon završene Behram-begove medrese, upisala je Fakultet elektrotehnike Univerziteta u Tuzli, na kojem je redovan student završne godine. Kroz rad na projektima sticala je iskustvo, znanje i vještine u naprednoj tehnologiji, organizaciji, komunikaciji i radu u timu. Njen cilj je stečeno znanje podijeliti s drugim mladim ljudima i graditi društveno odgovornu zajednicu uz proaktivan pristup rješenju lokalnih problema kako bismo poboljšali uslove za život i stvorili kvalitetnije karijerne prilike. Njena vizija budućnosti uključuje izgradnju društva koje cijeni znanje i zajednički rad, a sve u svrhu jačanja naše zajednice kroz inovativne pristupe.



**5** **Vedad Subašić**

Vedad Subašić je kandidat za Gradsko vijeće Grada Gradačca, po struci mašinski inženjer, koji spaja nauku, preciznost i kreativnost u svom poslu. Svaka uloga obogaćuje njegov život, tjerajući ga da uravnoteži svoje profesionalne ambicije sa ljubavlju i harmonijom porodice. S tim u vezi, ujedinio se sa ljudima koji dižu ruku i glas protiv svakog vida nepravde, koji podstiču građane da učestvuju u zajedničkom kreiranju politike, koji se brinu kako o mladoj tako i o starijoj populaciji i koji bez razlike reaguju na problem svake zajednice i građanina, a sve to u cilju poboljšanja kvalitete života i stvaranja bolje budućnosti u cijelom gradu.



**6** **Dževad Džodžaljević**

Dževad Džodžaljević je kandidat za Gradsko vijeće, a po zanimanju je CNC programer. Pored toga, bavi se i uživa radeći razne vrste marketinga. Aktivno učestvuje u društvenim projektima i slobodno vrijeme provodi u prirodi i sportskim aktivnostima. Kao kandidat za gradsko vijeće, zalagaće se za poboljšanje lokalne infrastrukture, razvoj obrazovnih i kulturnih institucija te podršku malim preduzećima. Smatra da sistematizacija mora ući u sve ključne sektore i da se na odgovorne pozicije moraju postaviti stručni ljudi istinski željni promjena na bolje kako bi sve bolje funkcionisalo. Njegov cilj je stvaranje boljih uslova za život svih građana Gradačca kroz transparentnost i odgovornost u radu vijeća.



**7** **Melisa Bahić**

Melisa Bahić je kandidatkinja za Gradsko vijeće Grada Gradačca i trenutno je student dodiplomskog studija Poljoprivredno-prehrambenog fakulteta u Sarajevu. Dosad nije bila član niti jedne stranke. Njen cilj je da časno i pošteno služi svojim sugrađanima, da zajedno izbrišemo očigledne razlike i slojeve u društvu pružajući svakom pojedincu pravo glasa i izbora. Pored aktuelnog problema deponije „Višnjik“, veliki problem vidi u neregulisanom vodosnabdijevanju u ljetnim danima onda kada je voda najpotrebnija te u nepravilnom pružanju usluga javnih ustanova. Ovim putem poziva građane da se odvaže, otmu iz kandži stereotipne vlasti te pruže priliku mladim, perspektivnim i obrazovanim ljudima.



**3**

**NAPRIJED!**

**Zlatko Duraković**

Zlatko Duraković je kandidat za Gradsko vijeće Grada Gradačca i profesor je klavira s dugogodišnjim iskustvom. Kandiduje se s ciljem unapređenja kulturne scene našeg grada. Svjestan je problema nedostatka ulaganja u kulturu, što utiče na kvalitet i broj kulturnih manifestacija. Smatra da su potrebna stabilna finansiranja za održavanje postojećih i kreiranje novih događaja koji će obogatiti našu zajednicu. Zalaže se za kreiranje radionica, festivala i programa dostupnih svim mladima. Zalagaće se za formiranje fonda za nabavku i održavanje muzičkih instrumenata kako bi svi učenici imali jednake šanse za uspjeh. Njegov cilj je da naš grad postane centar kulture i umjetnosti. Zajedno možemo postići velike stvari i stvoriti bolju budućnost za sve.



**8**

**NAPRIJED!**

**Dženita Dautović**

Dženita Dautović kandidatkinja je za Gradsko vijeće Grada Gradačca, posvećena i predana članica naše zajednice. Kao mlada osoba, Dženita donosi svježinu, energiju i ideje koje su neophodne za rješavanje današnjih izazova mladih ljudi. Smatra da je aktivno sudjelovanje mladih ključno za napredak društva. Želi se posvetiti podršci i osnaživanju žena u kreiranju karijera. Kao nova generacija lidera, Dženita je posvećena borbi za jednakost, održivi razvoj i društvenu pravdu.



**9**

**NAPRIJED!**

**Samir Smajlović**

Samir Smajlović je kandidat za Gradsko vijeće. Rođen i nastanjen u Gradačcu. Samir je iskusni inženjer mašinstva koji radi u Odžaku. Sa snažnom željom da unaprijedi naše društvo odlučio se posvetiti politici kako bi stimulisao omladinu na put ka boljoj budućnosti. Samirova vizija obuhvata aktivno uključivanje mladih u procese donošenja odluka, stvaranje prilika za razvoj i osnaživanje lokalne zajednice. On vjeruje da mladi ljudi imaju ključnu ulogu u izgradnji prosperitetnog društva i da je njihovo uključivanje neophodno za stvaranje pozitivnih promjena. Zalaže se za inovativne pristupe u rješavanju problema.



**10**

**NAPRIJED!**

**Lejla Jahić**

Lejla Jahić je kandidatkinja za Gradsko vijeće. Pored toga, Lejla je i uspješna menadžerka. Kroz svoj posao pokazala je kako efikasno upravljati resursima i postizati ciljeve strateškim upravljanjem, a kao majka, razumije potrebe izazove s kojima se susreću porodice. Također, ona razumije svakodnevne izazove naših građana i posvećena je stvaranju boljih uslova za sve nas. Dokazani je lider s jasnom vizijom za unapređenje zajednice. Lejla donosi jedinstvenu kombinaciju stručnosti, posvećenosti i empatije na našu političku scenu.



**11**

**NAPRIJED!**

**Admir Lipovac**

Admir Lipovac je kandidat za Gradsko vijeće Grada Gradačca te CNC operater s iskustvom rada u industriji. Njegovo profesionalno iskustvo oblikovalo je njegovu viziju za bolji razvoj lokalne industrije, pri čemu se zalaže za poboljšanje radnih uslova koji će direktno doprinijeti napretku cijelog društva. Admir također snažno vjeruje u važnost zdravlja i aktivnog života i posvećen je promociji zdravih životnih navika. Njegov cilj je unaprijediti kvalitetu života u zajednici kroz konkretne mjere i projekte.



**12**

**NAPRIJED!**

**Merima Krajnović**

Merima Krajnović, kandidatkinja za Gradsko vijeće Grada Gradačca, posvećena je majka koja se zalaže za ravnotežu i jednakost u svim aspektima života. Želi se posvetiti kreiranju društva koje bi osiguralo da potrebe i perspektive porodica budu u fokusu. Kao mlada žena i majka, njena vizija uključuje razvoj programa za podršku roditeljima te unaprjeđenje obrazovne i zdravstvene usluge, kao i jačanje socijalne zaštite.



**13**

**NAPRIJED!**

**Asmir Kamberović**

Asmir Kamberović je kandidat za Gradsko vijeće Grada Gradačca. Osim toga, Asmir je stručnjak u mašinskoj industriji. Vjeruje u važnost očuvanja okoliša te se zalaže za održive prakse koje doprinose zdravlju zajednice i očuvanju prirode. Njegova vizija uključuje poboljšanje javnog zdravlja kroz jačanje zdravstvenih usluga i promocije zdravih životnih navika u našoj zajednici. Zalaže se za očuvanje kulturnog naslijeđa i aktivno uključivanje mladih u društveni život



**14**

**NAPRIJED!**

**Anel Jahić**

Anel Jahić, kandidat za Gradsko vijeće, donosi bogato iskustvo iz industrije i IT sektora, što mu daje jedinstvenu perspektivu na potrebe moderne zajednice. Kao svršnik Policijske akademije, posebno je posvećen izgradnji sigurnije i prosperitetnije sredine kroz održiva rješenja. Njegova vizija uključuje unaprjeđenje javne sigurnosti, poticanje tehnološkog razvoja, te jačanje lokalne ekonomije. Anel vjeruje da svaka odluka u vijeću treba biti vođena interesima građana, kako bi se osigurao bolji i stabilniji život za sve.



**15**

**NAPRIJED!**

**Edina Selimović**

Edina Selimović je kandidat za gradsko vijeće, posvećena društvenim primjenama i aktivizmu mladih. Kao mlada i dinamična osoba, duboko vjeruje u snagu i potencijal naše generacije. Moj cilj je osigurati aktivnu podršku mladim ljudima u ključnim segmentima koji su od presudne važnosti za njihov razvoj i uspjeh. Zalažem se za inovacije koje će unaprijediti obrazovni sistem, pružiti prilike za profesionalni razvoj i osigurati resurse koji su nužni za ostvarenje mladih ambicija.

# Mehmedović:

## Snaga bosanskog duha vodi nas NAPRIJED!

Poštovani,

svako od nas treba sebi postaviti logično pitanje: Zašto Naprijed?

Nakon agresije, Bosna i Hercegovina bila je duboko podijeljeno društvo, ali s ogromnim političkim kapitalom i ugledom u svijetu zbog vođenja odbrambeno-oslobodilački rat protiv mnoštva neprijatelja.

Etničku podjelu, koju su proizveli naši susjedi, vrijeme je dodatno učvrstilo, što je dovelo do podijeljenosti bh. društva u gotovo svim aspektima. Takvo stanje, u okvirima dejtonskog ustavno-pravnog uređenja, postaje neodrživo. Pozitivni politički kapital vremenom se topio da bi danas dostigao svoj minimum. Ujedinjenje bosanskog društva je imperativ političkog pokreta NAPRIJED. Najmanje što nas spaja je bosanska državnost, pripadnost državi Bosni i Hercegovini, a to nas je spajalo i kroz povijest.

### Zašto NAPRIJED?

Zato što je status quo postao model koji će nas preskupo koštati kao državu. I danas smo zarobljeni u tom stanju, bez mogućnosti institucionalnog odgovora na izazove današnjice. Nove geopolitičke okolnosti i izazovi su pred Bosnom i Hercegovinom.

Naši mladi odlaze zbog pravne i životne nesigurnosti uzrokovane teškom političkom situacijom u Bosni i Hercegovini. Ne vide budućnost ovdje. Zato treba NAPRIJED! Dok cijene rastu, plate stagniraju. Ne oslanjajte se na statistike; pogledajte šta možete kupiti za svoju platu. Vrijeme je da se zapitamo idemo li u pogrešnom smjeru. Moralna obnova društva je imperativ današnjice u Bosni i Hercegovini! Elementarni moralni principi su obaveza svakog člana zajednice. Zato treba NAPRIJED! Pokret koji će politikom kvaliteta obezbijediti osnovne vrijednosti u političkom životu naše zajednice i promijeniti negativan pogled na politiku i političare. NAPRIJED je već drugačiji od ostalih!

### ZAŠTO NAPRIJED?

Zato jer je MISIJA ovog pokreta upravo briga o svakom bh. čovjeku od rođenja do kraja života.

Djelovati kao opoziciona stranka u Bosni i Hercegovini i izaći na izbore, a s obzirom na opću ekonomsku i društvenu krizu, bez sumnje je "Sizifov posao".

No, postoji čuvena poruka Lava Nikolajeviča Tolstoja, ako se jedna grupa nečasnih ljudi domogne vlasti, nužno je da se nađe grupa časnih ljudi da im se suprotstavi.

Ovo bi mogao biti jak motiv da se neko danas, posebno mladi ljudi, odluči i odvaži politički angažirati. Bosna i Hercegovina je posebna zbog svog jedinstvenog uređenja temeljenog na Dejtonskom sporazumu. Kao tranzicijska postsocijalistička država, postala je hibrid komunizma i kapitalizma, bez socijalne osjetljivosti. Iako ima parlamentarnu demokratiju, vladajuće etničke oligarhije čine je autokratskom. Sadašnji vlastodršci izgradili su tri zasebna režima po etnonacionalnom konceptu. Trojka, odnosno ponašanje lidera ovih strana (SDP, NiP, NS), u bitnom se ne razlikuje od svojih prethodnika na vlasti. Jednostavno se čini kao da nema izlaza i rješenja ovog zamršenog čvora. Zato treba NAPRIJED! Alternativa mora dati nadu Bosni i Hercegovini te njenim građanima. Populizam je postao globalni trend, a razvojem društvenih mreža, ratnohuškačka retorika i govor mržnje u BiH ozbiljno su ugrozili multikulturalno naslijeđe naše zemlje.

I najvećim svjetskim umovima teško je definirati političke i ideološke trendove koji Bosnu i Hercegovinu vuku u srednji vijek. S pozicije teorije političkih doktrina vrlo je teško razvrstati stranke na lijevicu, centar i desnicu. Političke anomalije stvaraju defetizam i beznađe, pa malo idealista pokušava promijeniti situaciju. Nekolicina njih okupila se oko stranke NAPRIJED.

Vjerujemo u nesalomljiv bosanski duh, koji kroz historiju nalazi odgovore na sve izazove. Bosanski duh oživljava patriotizam i ljubav prema domovini, koju Bosanci svakodnevno iskazuju širom svijeta. Time je prožet Program pokreta NAPRIJED, kao i sve ono čime smo iznijeli viziju budućnosti naše domovine.

**Naša hrabrost da politički djelujemo unatoč "nemogućim misijama" dovoljno govori o nama. Želimo pokazati da smo drugačiji, s inovativnim političkim narativom i iskrenim namjerama. Naša su mjerila drugačija jer težimo biti pokret časnih i odvažnih ljudi koji imaju hrabrosti da ODLUČNO krenu NAPRIJED!**

**Našoj domovini treba reset sistema i drugačiji kadrovski potencijal. Prije svega, treba joj društvo kompetencija i znanja, društvo poštenih i čestitih kadrova čiji je prag tolerancije na korupciju nulti.**

**E, zato NAPRIJED treba našoj domovini! Snaga bosanskog duha leži u našoj sposobnosti da prkosom i odlučnošću krčimo puteve koji vode NAPRIJED!**



# Zvijezde, koraci i novi početak: Otkrijte simboliku logotipa NAPRIJED!

**Logo NAPRIJED! sastoji se od dva elementa: čovjeka i zvjezdica.**

Prikaz čovjeka koji korača naprijed simbolizira posvećenost političkog subjekta NAPRIJED! ka napretku. Zvijezde predstavljaju našu domovinu Bosnu i Hercegovinu, a istovremeno simboliziraju i Evropsku uniju, kojoj NAPRIJED! nastoji pridružiti našu domovinu.

Sam tekst "NAPRIJED" na logu blago je nagnut prema naprijed, što dodatno naglašava dinamiku za iskorakom i izlaskom iz stagnacije i teškoća koje nas trenutno opterećuju.

NAPRIJED za nas nije samo riječ, već obećanje, poziv na akciju i poziv na buđenje kolektivne svijesti. Boje našeg logotipa – plava i žuta – odabrane su kako bi odrazile simboliku zastave Bosne i Hercegovine, ali i zbog njihovog dubljeg značenja. Plava boja povezuje se s povjerenjem, lojalnošću i stabilnošću, dok žuta simbolizira optimizam, nadu i novi početak. Zajedno, ove boje šalju poruku da je NAPRIJED! politički subjekt na kojeg se možete osloniti da Bosnu i Hercegovinu povede NAPRIJED!.

Država kao imperativ, sigurnost, moralna obnova društva, iseljništvo, ekologija, mladi, neki su od temeljnih principa na kojem mi iz pokreta NAPRIJED! gradimo viziju dostojanstvenog i sigurnog života za sve građane Bosne i Hercegovine. Naša misija je da, kroz političku scenu BiH, postanemo pokret za transformaciju i ozdravljenje bosanskohercegovačkog društva, brinući o svakom čovjeku od rođenja do kraja života.

Pozivamo sve građane da budu dio promjena, da pokažemo bosanski inat kada je najteže. Naša budućnost je onakva kakvu želimo. Snaga bosanskog duha leži u našoj sposobnosti da s prkosom i odlučnošću krčimo puteve koji vode NAPRIJED!



NAPRIJED BOSNA I HERCEGOVINA!

Zmaja od Bosne 7  
71 000 Sarajevo  
info@naprijed.ba  
033/862 535  
www.naprijed.ba